

ЛҮИМА СЭРИПОС

10 ноября
2016 года
№21
(1135)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Л. Дегкина вӑрум хури

Ты хурит Саранпӑвыл мӑньщи ӑги Лена Тихонова пӑслым ӑлы.
Тав Сургутский район Солнечный пӑвылн касуҥкве ялыс. Ты касыл урыл
14-15 лӑпсыгт ловиньтӑн.

Ты
номерт
ЛОВИНЬТӑН:

Кӑсыҥ
колтӑгыл
янытлаҥкв ӑри

3

Пӑс йис пормасыт
акван-атнӑ колт
рӑпитан хум

7

Нӑр
мӑт ӑлнӑ
мӑньщи нӑ

10

Ӓгит-пыгыт
касуҥкве акван-
атхатыгласыт

14-15

Хотыот
рӑпитаҥкв ӑлаль
пӑрияве

16

ЛҲХХАЛЫТ

Мāхум округ кўщай премиял майвёсыт



А. Забозлаев ос ёрн нё Л.-Алясова

Ты этпос 5 хоталёт Ханты-Мансийск ўст КТЦ «Югра-Классик» колт мāхум «За вклад в развитие межэтнических отношений в Ханты-Мансийском автономном округе – Югре» округ кўщай нампа премиял майвёсыт. Мāн мāvт тамле вāрмаль ань атыт тāl ты олыс.

Тамле премиял мāхум ёмас тэланыл, проектаныл ос сāvсыр программаныл мāгыс мивет. Округувт оlnэ мирыт пуссын аквёет ёмашакв вос оlnэгыт,

кāсың культуратэ манос лātңе вос янытлытэ, мāнылат мир халанылт юртыңыщ вос оlnэгыт – ты мāгыс мāхум сāv ёмас, ёрнэ тэла вāрэгыт. Округ кўщай премиял

хус хотпа майвёсыт – 10 организация, 10 нас мāхум. Премият округ губернатор вāңын хум Алексей Забозлаев тав мис. Ты кārкам мāхмум тав янытласанэ, тāн вāрнэ рўпатаныл ёсгысанэ. Тōва проектыт, лāви, сака пўмшиг на-маим оlnэгыт.

Алексей Геннадьевич тох потырғас: «Тыхотал мāн сāv ёмас тэла вāрнэ хотпат овылтыт потра-мёв. Тамле тārвитель рўпата тāн кāсың хотал вāрэгыт. Тārвитель тēпыл, тав сака пўмыщ, сака ёри. Кос выгув тамле нам – «Страницы национальной литературы», ты яныг рўпата. Мāн мāv – ты сома акв яныг нэпак. Тавёныл акв хотты лōпс хот-манумтылўв те, нэпакув элал ловиньтаңкв ат вёрмилув, потрув мот нупыл та мины. Округувт оlnэ кāсың мир, кāсың культура – ты Югра

мāv тав олупсатэ, тав йис потре. Тыт оlnэ соссаң мāхум пёс порат лāвыгласыт: «Кāсың мир мāгыс мōйт – ты тав самаге, ос ёрганэ – ты тав тивре манос номтэ». Ятил мāхум, ам ань оc таи лāвуңкве таңхёгум, мāн мōйтанув ос ёрганув мāv янытыл вос суйтэгыт, саманув акв лялыт вос сунсэгыт, номтанувт аквёет олуңкве вос кāсашёв».

Тамле премият хоты хотпан миңкве, кāсың организацият манос пāvылт оlnэ кўщайт тāн номсэгыт, щар мāk кārкам, мўтраң хотпа тāн ты пёриэгыт. Тувыл наманыл культура, образование департаментын ос Общественный палата Югры колн кётыяныл, тот рўпитан мāхум янытлан нэпак та щёпитэгыт.

Светлана РОМБАНДЕЕВА

Ищхйпың ут ханищтан кол рўпиты

Ты этпос овыл хоталёт Югорск ўст «Кванториум» нампа нйврамыт ханищтан кол рўпатаңкве патыс. Ты элыпāлт акв тамле колыг Нефтеюганск ос Ханты-Мансийск ўсыт ўнттувёсыг. Ань тув ялантан агит-пыгыт сāvсыр ищхйпың утыт вāруңкве тот ханищтавет.

Та ўст ты йильпи кол пуснэ порат сāv мāхум акван-атхатыгласыт. Тāнаныл округ кўщай нё Наталья Комарова янытласанэ. Тав Ханты-Мансийск ўст рўпитан акв тамле намыл пиным «Кванториум» нампа колн ёхталас ос кина суссылтан тотап хосыт та мāхум янытласанэ. Тав лāвыс, тамле ищхйпың тэлат ханищтан колыт ань таи мāгсыл ўнттавет, нйврамыт

сāv йильпи тэла вос ханищтэгыт ос сāv ёрнэ, ёмас вāрмалитыл пўмщалахтэгыт. Россия янытыл тамле ханищтахтын кол мощца ўнттым олы. Тыи мāгсыл нйврамыт ты ищхйпың утыт мāнътāгыл ханищтым сāv ёрнэ тэла тах вāруңкве патэгыт.

Ты кол ўнттуңкве «ГазпромТрансгазЮгорск» нампа компания олныл нётыс. Наталья Ко-



Н. Комарова нйврамыт ёт лōли

марова ты компаният рўпитан мāхумн яныг пўмашипа лāтың лāвыс.

Ань Югорск ўст ўнттым йильпи ханищтахтын колн нйврамыт

вāt сāграпнал этпос овыл хоталныл ялантаңкве патэгыт. Ань ищхйпың утыт ханищтаңкве тот сāv нйврам кāсаши.

Людмила ТЕТКИНА

ЛЯХХАЛЫТ

Лёңханув ёмщакв хот-щёпитавет

Округ кўшай ваңын хум Дмитрий Шаповал ляххал тотнэ маҳум ёт маңь таквс ётпост хонтхатыглас. Ты тал сыс маң мавт машинал яласан лёңхыт хумус щёпитавёсыт, тав ты урыл потыртас.

2016 талт округувт лёңхыт мўсхал щирыл хот-щёпитан мағыс ёрнэ савит оln тастыглавес. Ань ащирмаңыг ёмтыс, мощёртын лёңхыт вәруңкве ат патавет. Туи сыс сав ёрнэ рупата вәрвес. Ты хосыт онтолов арыгтем вёрыста палыт йильпи лёңх пинвес ос ват вёрыста палыт ма ёмашакв хот-щёпитавес. Тув павлытт ос ўсытт оlnэ лёңхыт пуссын аквьёт ловиньтым ёлэгыт.

Сургут ўст Никольский нампа йильпи ўсхулы вәрвес. Тот акв вёрыста палыткем йильпи лёңх хосыт ань маҳум машинал яласаңкв патсыт. Ты коньпал ань Белоярский районт я ўлтта уснэ кит унсаҳыг

вәравег. Ты мағыс ёрнэ нёпақыт акванатвёсыт. Ты унсаҳыг Югорск – Советский – Верхний Казым – Надым ўс мус яласан лёңх вәравег. Ты вәрмалы щирыл «Газпром Югорск трансгаз» газ нёх-винэ компаният рўпитан хотпат ос нётуңкве патэгыт. Ты тэла тән аквьёт щёпитасаныл. Тал овылтахтам порат манасавит лёңх вәруңкве номсасыт, тән ты тал оигпан мус пуссын астласаныл.

Ань Нягань – Талинка, Нягань – Юган, Радужный – Новооганск, Ягрим – Нярихумит Лўи павыл мус яласан ватахкем вёрыста палыт лёль лёңхыт хот-

щёпитасаныл. 2016 талт лёңхыт пуссын аквьёт вәрнэмағыс сатарыгтем млрд. солкёви майвес. Маңь таквс ётпост овыл хоталэ мус нила млрд. солкёви холтвес. Ты олныт тал оигпан мус пуссын тэлаг минэгыт тах.

Тыгыл элалы ань лёңхыт мўсхал щирыл вәрнэ кастыл ўс ос павыл мирколыт субсидия-олныл миңкве патавет. Ты тал сыс округувт ўсытт ос павлытт лёңхыт вәрнэ мағыс хўрум млрд. нёлсәткем млн. солкёви субсидия-олн холтвес. Тувыл онтырсәт арыгтем млн. солкёви лёңх вәрнэ фондыл майвес. Йильпииг вәрим лёңхыт нёлолов тал вёритэгыт ке, ты рупата мак ёрнэ щирыл вәрвес.

Россия янытыл маң округувт вәрим лёңхыт ёмасыг ёлэгыт. Хоты мат вонҳаңыг манос



лўолиг ёмтэгыт ке, тән тара хот-щёпитавет. Акв вёрыста палыт лёңх вәрнэ мағыс нёлоловсәт хотпан сөтыра солкёви савит оln эри. Тысавит оln ёмщакв товылхаты. Кўшай хум лавыс, ты тэла мағыс оln салитаңкве ат эри. Мотынтыг лёңхыт вәрнэ ос хот-щёпитан мағыс иң савнув оln таставе тах.

Хурит
Дмитрий Шаповал
послым олы.

Николай МЕРОВ

Кәсың колтагыл янытлаңкве эри

Няврамыт вуянтан округ комиссия ос «Родительский комитет Югры» нампа маңь пора ос элумхёлас вуянтан организация «Щёмья ос щёмья щунит» урыл потыртан мағыс Ханты-Мансийск ўс мирколн ёхталасыт. Тув сав мир атхатыглас – кәсың ўст ман районт рўпитан комиссият кўшайныл ёлсыг, ваңнаныл пөсың маҳум, маңылат мир ос общественный организациятыг рўпитан хотпат, пупколт рўпитан маҳум ос ляххал тотнэ нёт-хумит.

Няврамыт вуянтан округ комиссият кўшай пентсыл оlnэ нэ Татьяна Черкашина лавме щирыл, округувт ань няврамыт ос маңылат маҳум лёль матыр варапан тэла 16% мощщамас. 20% савит ос та вәрмалы мощщамас, хунь щань-ащит нявраманулы мўсхал щирыл ат янмалтыяныл, хот-ати ўлнаг оссувляяныл. Нусаг оlnэ колтаглыт 4% савит

мощщагнув ёмтсыт.

Ань кәсың колтагыл сөтыңыщ ос щуниңыщ вос олнув, ты мағыс округ комиссия сав ёрнэ тэла вәри. Няврамыт мори ул вос ёмёгыт, лёль матыр ул вос вәрёгыт, щань-ащит китгыт ул вос минэгыт – ты мағыс савсыр конкурсыт вәрыглэгыт, маҳум ёт потыртэгыт. Щань-ащит ос няврамыт аквьёт олуңкве вос

хәсәгыт, халанылт вос нётхатэгыт.

Ты хонтхатыглапын Тюмень ўсныл Константин Александрович Шестаков ёхталас. Тав «Центр защиты материнства «Покров» организация кўшай ваңын хумыг олы, социологический наука кандидат намыл майвес. Тав колтагыл овылтыт потыртас. Хум такви колтаглэ яныг, сав няврам ёньши. Маңылат маҳум ос студентыт мағыс сав потыр хансыс, щёпитас. Потранэ ловиньтым тав сав мат яласы, школатыт ос училищатыт ханищтахтан няврамыт ёт потрами. Тән щань-ащаныл вос эруптыяныл, латың вос хўнт-

лэгыт, колтагланыл вос янытлыяныл. Хунь яныгмёгыт, танти щёмьяңыг ёмтэгыт, нявраманулы мўсхал щирыл вос янмалтыяныл. Тав лавме щирыл, ань мот хон маҳум танти сакконаныл маң палтув ханлуңкв манос рөв-лаңкве таңхияныл. Маң нявраманув ёт тақыщ ул вос потыртэв, тақыщ ул вос лавалыянўв, ты мағыс нявраманув тах хот-вивет. Ты тэла хосыт тән Россияв вәгталыг паттуңкве таңхияныл. Нявраманув латың ул вос хўнтлэгыт, колтагланыл ул вос эруптыяныл, щань-ащаныл вос лёк-камтыяныл. Ты сака лёль вәрмалы. Ты урыл хум маңылат маҳум нупыл та потырты.

Светлана МАТВЕЕВА

КҮЩАИТ РҮПАТАНЫЛ

Мāнылат мāхум ханищтан кӯщайт

Мāн нēлм лāтың рӯтанув ёт акваг матыр вāрмалъ аквѣт вāрыглѣв. Финно-угорский лāтың ханищтан университетыг анъ акв ассоциациян хасхатмыт, акван-потыртахтым рӯпитѣгыт. Мōлал университет кӯщайт мāн Ханты-Мансийск ўсувн ѣхталасыт. Ос хотыют ѣхталаңкве ат вѣрмыс, тāн видеосвязь хосыт потыртасыт.

Нила хум ѣхталасыт: А.В. Воронин Петрозаводский университетт ректорыг рӯпиты, тав ты ассоциацият кӯщайг олы. М.Н. Швецов Марийский университетт кӯщайг рӯпиты. П.В. Сенин Н.П. Огарѣв нампа Мордовский университетт наука рӯпата щирыл проректорыг олы. Д.И. Пинаевский Питимирин Сорокин намыл пиным

Сыктывкарский университетт проректорыг рӯпитан хум.

Тāн тāнти рӯпатаныл урыл потыртасыт, хумус акван-нѣтхатым халанылт рӯпитаңкве кӯстырнув паты. Мāн Югорский университетт савсыр институтыт олѣгыт, Лўимā мāхум институтт директорыг Т.А. Дятлова рӯпиты. Тав мўй мā-

хум тыг вōвсанэ ос потыртаманыл порат тāн халанылт тав кӯщай нѣ олыс.

А.В. Воронин ты тал ос мōтынтыг ассоциацияныл маныр вāруңкве паты, ты урыл потыртас. Тāн āгит-пыгыт матыр ханищтан мāгсыл халанылт мўйлуңкве тѣтсыяныл, халанылт вос ханищтахтѣгыт, вос касѣгыт. Тыгыл элалъ ос таңхѣгыт āгит-пыгыт халт касыл вāрыглаңкве, кāсың мир тāнти щирыл пѣрщѣгыт, ѣнгѣгыт, таимāгыс акв яныг касылт савсыр мирыт каснэ щирыл вāрыглаңкве.

Марийский университет кӯщай хум М. Швецов потыртас, тāн ханищтахтын кола-нылт мāнылат мāхум акв яныг ищхипың ут тāнти вāрсыт, руц щирыл тав «супер компьютер» лававе. Анъ тāнанылн нѣмхотыл ты тының ут ѣвтуңкве ат эри. Программа ты кастыл ос ат ѣвтѣгыт. Тамле ты номтың ос кārкам āгит, пыгыт тот ханищтахтѣгыт.

Мўй мāхум ўс сунсуңкве ос тотыглавѣсыт. Нѣтнэ нāил сурттын ўсувт савсыр памятникыт, музеит олѣгыт, тох сунсыглахтым хōтал ат тōвылхаты. Тāн лāvсыт, Ханты-Мансийск – сака нѣтнэ, ѣмас ўс.

Галина КОНДИНА

Наука янытлан хōтал олыс

Ювле хульгум этпос 21 хōталѣт Ханты-Мансийск ўст Югорский государственный университетт наука Всероссийский фестиваль олыс. Нѣлоловхуйплов колнакытт наука щирыл вāрнэ рӯпата суссылтавѣс. Тув ўст олнэ кāсың хōтпа щалтсуңкве вѣрмыс. Тāн мāгсыланыл савсыр потрыт ос ѣнгилыт щѣпитāлвѣсыт, наука тѣла торыг квāлтапаптан савсыр йильпи матарыт суссылтавѣсыт.

Ты вāрмалъ палт пуңкотнэ нѣ Наталья Бровина лāvыс, тамле хōтал университетт анъ хўрмит тал ты вāрыглыяныл. Тув атхатыглам мāхумн тāн наука урыл потыртѣгыт, сыре-сыр мастер-классыт вāрыглѣгыт. Школат ханищтахтан нāврамыт тамле тѣла сака эруптѣгыт, матыр пўмыщ потыр хўн-тамлаңкве ман хащ-тал тѣла кāsалаңкве тāнанылн сака пўмыщ. Студентытын ѣнгалтавѣсыт, савсыр викторинатыл ос выставкатыл щѣпитāлвѣсыт. Класс савит нāврамыт акв колнакыл

нѣглѣгыт, мōт колнакын минѣгыт. ЮГУ янытыл хōтал палыт акв юипалт та вāнталālсыт, матыр пўмщаласыт, ханищтасыт.

Ам тōва нāврамыт ѣт «День из жизни обских угров» щирыл намаялым колнакн щалтсасум. Тот кит ханты āгииг Виктория Костылева ос Алиса Макарова нāврамыт нупыл сосаң мир олупса ос культура овылтыт потыртасыт. Тувыл тāнаныл сакныл сыре-сыр хорамыт вāруңкве ханищтасанѣн. Нāврамытын сака пўмыщ олыс, маттем та мāщтырласыт.

Виктория Белоярский



А. Макарова ос В. Костылева

ўст самын патыс, тот яныгмас. Мāнѣтагыл Ванзеват пāvылн ялантас. ЮГУт ханищтахтас, анъ элалъ тот рӯпиты, творческий лабораторият пуңкотнэ нѣ олы. Виктория лāvыс: «Тыт мāн кāтыл савсыр пормасыт вāрѣв, щаквщѣв – тучаңыт юнтѣв, сакныл олнкасыт ос юнтуп тўщтын мāнѣ пўтскап сагѣв, ос мōт сав пормасыт мāщтырлѣв. Мāн «Югра хосыет» («Созвездие Югры») нампа эргын, йиквнэ ансамбль оныщѣв. Мōлты тал тыт «Живущие по

солнцу» нампа фестиваль олыс, мāн та порат овыл места висѣв. Та юипалт мāн Санкт-Петербург ўсн финно-угорский фестивальн вōвыглавѣсѣв, ос тув ялсѣв, эргысѣв, йиквсѣв».

Китыт āги Алиса Хāльўс район Тѣк пāvылт самын патыс. Тав ос ЮГУ āстлас, анъ тѣн Викториял аквѣт рупитѣг.

Югорский государственный университетт тамле пўмыщ хōталыт та олыгланѣныл.

Светлана РОМБАНДЕЕВА

Сав тал элаль вос рупитэгыт

Руц щирыл лавнэ прикладных исследований и разработок нампа Ас-угорский институт ты этпос ват нупыл нелоловит хоталэт рупитанэтэ пасыл 25 талэ товлы. Овлэт тав Ас-угорский нампа институтыг лаввес, овыл кўцаиг Е.А. Немысова тот олыс. 2010 талт кол ты йильпи намэтыл пинвес, кўцаиг В.И. Сподина тув паттувес. Савсыр йильпи отделыг вярвёсыг, савыңпалэ маньлат хотпат рупитаңкве тот патсыт. Яныг хотпатныл тот Евдокия Ивановна Ромбандеева рупиты, маньщи пёс, йис потрыт ос мойтыт нэпакн хансыянэ ос элаль мирн вос ловиньтавет.

Институтт ханты, маньщи ос ёрн махум латңаныл, пёс йис олупсаныл ос ань ёмталан тэланыл ханищтавет. Тувыл тот рупитан хотпат мот мирыт олупсаныл сунсым савсыр нэпакыт хансэгыт. Товат матыр пумыщ накат янас ханищтамы, научный диссертация вуянтэгыт ос учёный намыл мивет.

Соссаң махум латңаныл ханищтан магыс савсыр нэпакыт щёпитасыт. Сав тал рупитанэныл сыс тан пёс потрыт, мойтыт, эргыт ванэ хотпат ёт ващиньтахтэгыт ос тананыл хаснэ утытн хансыяныл. Яныгпала махманув танки турсуил потыртамы мойтаныл акван-атсаныл ос архивн хульгуптасаныл. Ятил латыңкев ань тох тот та хўнтлылў.

Тувыл латңыт ханищтаң коньпал тан мирн нётнэ ос щёлыңыг ман нусаг олнэ савсыр тэлат уральтыяныл. Ты социально-экономический вярмалит ёт Ас-угорский институт С.Х. Хакназаров, О.Ю. Динисламова, Ю.В. Исламова ос Н.В. Ткачук рупитэгыт. Тан Нижневартовск, Новосибирск, Тюмень ўсытыт ос Россия

янытыл олнэ мот социолог-хотпат ёт вайхатэгыт ос акван-нётхатым рупатаныл элаль тотыяныл. Конференцият акван-атхатнэныл порат сав элумхоласныл ханищтамы тэлат осн-паттыяныл ос танки махманыл ёт маныр ёмтыс, хумус тан олэгыт, кўцаитн хўлтэгыт. Тувыл кўцаит тув ар-талахтым мирн нётнэ програмат щёпитаңкве вёрмэгыт.

Ань тан рупатаныл овылтыт ам ты колт рупитан маньлат нэ Наталья Ткачук китыгласлум. Тав анузн тох потыртас:

– Мән соссаң махманув олнэ вярмаляныл тара-паттын магыс ок-

руг янытыл акваг яласэв. Ты рупатавт анкета-нэпак ос хаснэйив шар макыг эри. Мән павлың ман туи порат ялантэв, тэлы сыс нэпакн хансым утанув ёт рупитэв. Ты элы-палт ман анкетат щёпитэв, кўщаянув маныр вярмалитыл пўмщалахтэгыт, хоты тэлат ванкве таңхэгыт – таит китыглан магыс тув хансыянўв. Тувыл хотты ўсн ман павлын ёхтэв, тот олнэв сыс махманувн мыганўв, тан латың ювле хансэгыт.

Танки мананылт соссаң махманув хумус олэгыт, ма-вўй нўхвинэ порат новавет манос ати, кўцаит таил пўмщалахтэгыт. Мавит хумус ўргалаве, сав ўйхул олы ман ати. Тот хўл алыщлан, вўраян ос сальы ўрнэ тэлат мән пуссын китыглыянўв.

Щань латың ванэ ос ханищтан тэлат урыл янас анкета-нэпак хансэв. Маньлат агит-пыгыт ос нйврамаквет щань латың ханищтаңкве таңхэгыт кос ос тан пўханылт латың ванэ хотпа мощца.

Мән институтувт социология, экономика ос право вярмалит

ханищтан колнакув 2002 талныл рупиты. Тув ханты ойка Терентий Герасимов Харамзин кўцаиг паттыглавес, молал тав пенсиян минас. Тав социология наука доктор учёный нам оныщи. Аквёет рупитам хотпатын диссертацият щёпитан порат тав пунктотнэ хумыг олыс. 2002 талт Саид Хамдамович Хакназаров геолого-минеральный наука кандидатэгыт ёмтыс, ань тав мән отделувт кўщайлахты. Тамара Михайловна Алгадьева 2006 талт социологический наука кандидат нам вуянтас ос ётыл мот рупата хонтыс. Отделувт рупитан хотпат савсыр научный потрыт хансэгыт, нэпакыт таратэгыт.

Ты рупатав воруңкве манавн мўсты, соссаң махум олупсаныл уральтыяныл. Тованакт тан палтаныл ялантэлэв, тарвит вярмаляныл осн-паттыянўв, та юипалт мән сыманувт такем тарвитың. Ос махманув танки таксар хотпаг олэгыт, элаль посың номтыл олуңкве ворагэгыт, ань тыг мус пёс йис наканув ат ёрувлыяныл.

Мән отделув ань аквёет рупитан мот махманув институтув намхоталэ кастыл янытлыянўв. Тан пустагыл вос олэгыт, нэ-мат лўль тан палтаныл ул вос ёмталы ос рупатаныл номтыңыг вос вэрияныл.

Мән ос, газетат рупитан хотпат, тананылн ос тамле латың лавёв – пус кат, пус лагыл, Торумн, Най-Отыранылн вос ўргалавет!

Тамара МЕРОВА



Ясунт павы, 2013 тал

Пилыщмаң агм-капаит пөханьыл вос минэгыт

Туи вөртур этпост мён аквьёт рупитан нэмёнтыл Луи Нярихумит павылт ұсхулы хосыт ёмсумён. Кон иң алпыл, нэмхотыют лялыт ат нэгли, ос мён махум пусмалтан кол, рущ щирыл ФАПыг лавнэ кол, кинсысламён. Тувыл ұсхулы наме ос кол номере щирыл таве та хонтысламён. Ты ати сака яныг кол, тув щалтсумён, сыстам, щар сома павылт агмың хөтпа атим.

Тащирыл ке олы, тыи манаре люль, ты сака ёмас вәрмалъ. Ань мир пусмалтан тэлат урыл мён тот олнэ кұщай нэ ёт потыртаңкве патсумён. Надежда Лиджиевна Сарайкова менамён лавыс: «Мән ФАПу в Кевавтнёл павыл (Перегрёбное) пұльница нупыл ловиньтаве, тот савсыр агм пусмалтан лёккаранув рупитэгыт. Тыт мән махум нас уральталым оныщиянұв. Тән агмыңыг ёмтнэныл порат, тэрпил хансыянұв ос тән юн танки пусмалтахтэгыт. Төванакт укол вәруңкве тыг щалтсэгыт. Мәнки тән палтаньыл юв ос яланталэв.

Луи Нярихумит павылт 396 элумхолас олы, тувыл Алы Нярихумыт павылт сат хөтпа ос Мулигортыт нила хөтпа. Тананыл уральтым ам фельдшер, няврам суснэ лёккар-нэ, уколыт тұщтын лёккар-нэ, ос машинал яласан хум тыт рупитэв. Ос акв лёккар-нэ школан ос садикын ялантан няврамыт ёт янас рупиты. Ты колнакт ам яныг хөтпат пусмалтыянум, мот колнакн самын патум няврамаквет тотыглавет. Тувыл кит колнакыгт ұлщпуңкыт пусмалтан утыт ос

нэт суснэ ут оныщев. Тамле лёккарыт төванакт павлувн кетыглавет ос махманув пусмалтахтуңкве ёхта-лэгыт.

Мән палтув тән давленияныл уральтаңкве щалтсэгыт. Келпаньылт гемоглобин, саккар, холестерин суснэ магыс ос эрнэ утыт оныщев. Уколыт тыт тұщтыянұв, ЭКГ вәруңкве вөвиньталыянұв. Туп мот анализыт ос келп виңкве мән тананыл Кевавтнёл пұльницан кетыгылыянұв.

Төват Ягрим пұльницан минэгыт. Та павылн ань машинал яласан ёмас лёх вәрвес, мән тув молях ёхтэв. Ань сака агмың хөтпат ос тув тотыянұв. Тот тахолът махманув ёмащакв сунсавет, ювле ат кетавет. Ягрим павыл Хальус районт олы, мән ос Октябрьский районын ловиньтавев.

Туи этпосыт павлыт мус «Николай Пирогов» намба наиңхап ёхталы, тот савсыр лёккарыт рупитэгыт. Махманув тот матыр тэрпил хасылтыяныл, уколыт тұщтуңкве лавияныл. Мән мирув ёт тох та рупитэв. Школат ханищтахтын ос садикн ялантан няврамыт



Н.Л. Сарайкова

грипп агмыл ул вос ёмтэгыт, мән прививкал вәрианұв. Ты элыпалт щань-ашанылн нэпак кетэв, тән тот кәсащан латың ман ат кәсащанэныл магыс вос хасхатэгыт. Агияныл, пыганыл прививкал вәруңкве тахолът кәсащэгыт, школат ос ты урыл сав потыртаве. Павлувт ань самын патум ат няврамакве олэгыт. Тән өвлэт лёккар нән юн уральтавет, ос тувыл кәсың этпос уральтаңкве тыг тотыгпалавет. Мән-тагыл атимыг ёмтнэ накыт тыт ос олыглэгыт, мөлалнув хұрум няврам хотталъ щалтсыт. Ты ати агманыл магыс тох ёмталы.

Яныг хөтпат клещевой энцефалит, туляремия агмытыл прививкат кәсащим вәрэгыт. Тувыл Кевавтнёл павылныл лёккарыт ёхталанэныл порат, махманув пұльницавн вөвиньталыянұв. Ты тув такем та рёгың олыс, номсэгум, матумпала хөтпат давленияныл

ёла-нөх яласантаңкве паты. Сар ати, нэмхотыют сака ат савалас».

Тувыл хащтал өпарищнамыл олнэ нэ Надежда Лиджиевна такви уретыл потыртаңкве вөвысламён. Тав калмык нэ, такви олнэ мятэт Тамара Хаклынова намба Калмыцкий медицинский училище асталас. 2002 талт юртанэн овыл щес Ямал мән рупитаңкве вөввес, тав тот Аксарка павылт фельдшерыг рупитас. Ос мән округувт нила тал олы. Махум пусмалтым тав ват тал рупиты. Ань ёрн махум палт «сибирский язва» пилыщмаң агм хөнтвес. Таи магыс ос сыме щарги, лавыс, тамле агмыт нэмхот ул вос ёмталанувыт. Илттыгёхтын агм порат лёккарыт нэматыр вәруңкве ат алымёгыт, тувыл савыңпалэ лёккарыт танки ос агмыл хәхтавет. Ятил махумаквет, нанки ос ұргалахтым олэн.

**Тамара
ХАТАНЕВА**

СОССАҢ МИР ӨЛУПСА

Пёс йис пормасыт акван-атнэ колт рупитан хум

Хальүст мәнщицт, хантыт ос саран махум олупсаныл элаль тотнэ магыс культура Центр кол щёпитым олы. Тот акв мәнщи хум Андрей Албин рупиты. Туи порат ам тот олмум сус тав ётэ хонтхатыглалсум. Тав такви олупсатэ ос рупататэ урыл мощ потыртас. Нән ты урыл элаль ловиньтэн.

Андрей Саранпавылт самын патыс, тот яныгмас. Школа асламеюи-палт Ханты-Мансийск үс Югорский университетыт элаль ханищатас. Тувыл ювле Саранпавылт минас. Тот мощ олыс, ос рупата ат хонтыс, таимагыс тав Хальүсн вантлыс. Тот тав нэ тогыс. Экватэ наме Наталья, такви аги опарищ наме Лельхова, Тэк павылныл олнэ ханты аги. Тэн акв няврам оньщёт. Экватэ савалапыг яныгмаме магыс, ань мәнлат нэг-хумыг Хальүст йильпи колыл майвёсыг.

Андрей Хальүст тара пёс йис пормасыт атнэ колн рупитаңке патхатас. Ты коньпал тав фольклорный архив магыс пёс йис потрыт хансы. Мән павлытн ватихал яланы. Яныгпала соссаң махмытныл мөйтыт ос амщит аты. Тувыл пёс йис пормасыт кинсым яласы. Рупитан коланылт махум савсыр ялпың хоталыт вэрыглэгыт, суссылтапыт щёпиталэгыт. Мащтыр хотпат юнхатэгыт, сасныл хусапыт вэрэгыт, сакныл хорамыт хартэгыт, квалгыл сагэгыт ос мот савсыр пормас вэрэгыт.

Рупатанылт «Ма музем» нампа ёнгын кол олы, экват мәнщи ос ханты эргыт эргэгыт. Ысытн, павлытн мүйлуңке акваг ялантэгыт.

Ты культура Центр кол 1991 талт рупитаңке патыс. Ань тот ханты нэ Раиса Петровна Загородняя кұшаиг рупиты. Соссаң махум та колн ватихал атхатыглэгыт. Ялпың хоталыт олыгланэныл порат концерт вэрыглэгыт. Атың тэнутың пасан



Сасныл вэрым пормасыт

щёпиталэгыт, пуссын аквёт мүйлэгыт.

2012 талт пасныл ты культура колт рупитан хотпат «Сөрни сэй» нампа няврамыт үщлахтын мән акваг нётмил вэрэгыт. Тот ёхыл вэрнэ, хул совныл савсыр пормасыт юнтнэ ос хул яктын касылыт щёпиталэгыт.

Тот мащтыр хотпат урыл сав потрыт хансым олэгыт, тан пормасаныл тот ургалым оньщавет. Янас колнакытыт ханты, мәнщи ос саран махум олупса пормасаныл олэгыт. Мүй хотпат пумщалахтуңке акваг тув ёхталэгыт. Ты махум рупитанэныл хосыт ань үст «Ўринэква хотал», «Тылащ поры», «Ўй ййкв», вэраян хотпат ос хул алыщлан махум ялпың хоталыт акваг вэрыглаңке патвёсыт.

Хальүст олнэ мащтыр хотпат савсыр семинарытн, фестивалитн ватихал вэвиньталавет. Ты кол мұсхал щирыл элаль рупитанэтэ магыс округ культура департаментыт ос мощщгаг хульгум мирытн нётмил вэрнэ отделт рупитан хотпат тан сака нётэгыт.

Ам культура Центр колт рупитан хотпатн пуштагыл олнэ латың кётэгум. Андрей щемьятэн ос пуштагыл олнэ латың лавэгум, Төрүмн вос ургалавет.



Андрей Экватэ ос агитэ ёт

Николай МЕРОВ

НЯВРАМЫТ МАҒЫС

Мәхманув мүйлысыт



«Төрүм Маа» музей рүпитанэ-тэ пәсыл ты таквс ват нупыл онтолов талыг ёмтыс. Намхоталаныл мүйлуңкве тув үс мир вобиньтәлвес. Мән соссаң мәхманув сценат ййквсыт ос эргысыт.

«Лылың союм» колн ханищтахтуңкве ялантан нъяврамыт тув ос ёхталасыт. Тәнаныл мәнъщи ййквыт ййквуңке, сәңквылтапыл сәңквылтаңкве ос эргуңкве Владимир Меров ханищтыянэ. Овлэт тән Юван

Шесталов хансум стихе эргыг эргысаныл, ты мус мәнъ пыгрищиг Руслан Вьюткин ос Руслан Аширбакиев кәтыт нял пувим хум ййкв ййквсыг, Владимир Савельевич койп рәтыс. Хаштәл руц мәхум татем та суссыт.

Тох ты Ханты-Мансийск үст нъяврамыт тәнти мираныл культура элал тотыяныл, мәхум элы-пәлт ййквуңкве манос эргуңкве ат эссамтәгыт.

Галина АНЯМОВА

Мойт сунсуңкве ёхталән

«Хотал» нампа театрыт рүпитан артистанув нъяврамыт оманыл-әтыяныл ёт тәнти палтаныл мүйлуңкве вобияныл. Мощёртын Йильпи тәлув ты ёхты, тамле ёмас, щәгт тотнэ ялпың хотал кәсың хотпа үритэ. Таимәгыс артистыт нъяврамыт мәгсыл «Елена Премудрая» нампа спектакль вәрсыт, тот суссылтәгыт, хумус агирищитын-пыгрищитын тәксар хотпаг яныгмаңкве эри, нәмат агм тән палтаныл ул вос ханы. Ты руц мойт сунсым яныг мәхум ос нъяврамыт аквтуп тәнти мойтын ёхтыгпәгыт, тот пәс йис порат олум руц мә, коланыл, тән маснуганыл кәсаләгыт, эрганыл хунтамләгыт. Тамле пумыщ мойт суссылтан вәрмаль Александр Тургачёв щәпитастэ, тав ты режиссёрыг олы.

Спектакль коньпал нъяврамыт ёнгалтаңкве патавет. Ащирма тотнэ ойка ос Түйт агикве ёт ёнгёгыт тах. Сәв оцхуль ос касыл вәраве, ёхталан нъяврамыт атың, сәккарың тәнүтыл мүйлуптавет.

Ват саграпнал этпост 21 хоталныл ос 29 хоталэ мус нән нъявраманын ёт тув театрын ёхталаңкве вөвавән.

Адресэ тамле: Ханты-Мансийск үс, Мира үсхулы, 14 А кол. Нъяврамыт мәгсыл билет тынэ 500 солкови, яныг мәхум мәгсыл – 300 солкови. Матыр титыглаңкве те эри, ты телефон хосыт потыртән: 33 54 61.

Тётым ляххал мәнъщи ләтңыг Г. КОНДИНА толмашластэ

Нъяврамыт

Хальүс ляпат «Сөрни Хсэй» нампа ўщлахтын мә олы. Тот сәт тәлныл ос нёлоловхуйплов тәл яныт нъяврамыт ўщлахтуңкве акван-атыглавет. Ты туй ос сәв нъяврам тув ёхталас. Тән мәгсыланыл тот сәв пумащ ёнгилыг щәпитәлвёсыт. Ань ты пора нъяврамыт хумус тот ўщлахтасыт, нән тән потраныл элал ловиньтән:

– Ам намум Кристина Воронцова, ты ўщлахтын мән овыл щёс ёхталасум. Анулм тыт сака мұстыс. Тәнүт вәрнэ хотпат мән мәгсылув татем атың тәнүт пәйтыгласыт. Ўщлахтын мә кұщаов ос воспитателянув пуссын сымың хотпат. Ам тәнаныл пуссын эруптыянул. Тыт ам сәв юрт хонтсум. Мотыт тәл ос яныг щәгтыл тыг ёхтәгум тах. Тамле ёмас вәрмаль щәпитан мәгыс ам кұцаин яныг пумащипа ләтың ләвөгум. Ты ўщлахтын мә сәв тал вос рупиты.

– Ам намум Валентин Матей, Хальүст самын патсум, тот оләгум. Ань китхуйплов тәлум төвлыс. Ўст нилыт тәл кәминьт пәссал масхатым щәхныл кәсәгум. Ань ты пора китыт щёс тыг ёхтысум. Лов хотал сыс тыт сәв юрт хонтсум, пуссын эруптыянул. Ты ўщлахтын мә лап ул вос пантвес, мотынтыг ос тыг ёхтуңкве номсәгум.



– Паша олән! Ам намум Юлия Воложанина, ты тәл сатхуйплов тәлум төвлыс. Ты ўщлахтын мән нилыт щёс ёхтысум. Анулм

НЯВРАМЫТ МАҒЫС

ЎЩЛАХТЫН МА УРЫЛ ПОТЫРТАСЫТ

тыт сака мўсты. Лагерът лы-
лыёп сýстам, ляпат я овты,
ворт ййвыт яныгмёгыт. Тыт
ам ма-вит урыл сав ванкве
патсум. Тыт олнэм сýс ма-вит
ўргалан хотпаг ханищтахтўкве
номтум патýс. Ам соссаң мир
олупса тыт ханищтасум. Мән
магсылув савсыр пўмашёнгилыт
щёпиталвёсыт. Ам тыг юи-овыл
щёс ўщлахтасум. Ты нётнэ ма
сымумн сака хояс, таве акваг
эруптаңкве патýлум. Кўшаин,
воспитателитн ос ам ёгум ўщ-
лахтам няврамытн щунь-паща
лаатың кётёгум. Пустагыл олэн!



– Ам намум **Игорь Зубарев**, «Сорни сэйи» китынтыг ёхтысум. Тыт сав агит-пыгыт ёт юрщхата-
сум. Мән тыт ёмщакв ўщлахтёв,
ёнгёв, мащтырлёв, мәнщи
лаатың ханищтёв ос мот савсыр
пўмаш вәрмал вәрёв. Мотынтыг
ос тыг ёхтўкве номсёгум. Ванэ
хотпатын паща лаатың лавёгум.
Пус кат, пус лагыл элалё олэн.

– Ам намум **Лиза Загород-
нюк**. Ты туй хўрумхуйпловит
талум товлыс, ам Хальўс школат
сатыт классыт ханищтахтёгум.
Ты ўщлахтын мән китыт щёс
ёхтысум. Амки щанягум-аща-
гум щирыл рущиғ олёгум, ос тыт
ўщлахтамум сýс мәнщи латныл
мощ потыртаңкве патсум. Ань
това латнанум ёмщакв тёлёгыт.
Воспитателит пуссын ёмас хотпат,
ам тананыл сака эруптыяnum.
Мотынтыг ўщлахтын вәрмалё ос
щёпитаве ке, тара тыг вовхатё-
гум тах.

– Ам намум **Маша Молданова**,
ам хўрумхуйплов талум товлыс.
Ты ўщлахтын мән овил щёс
ёхтысум. Тара сав юрт хонтсум.
Ань кўщай нэ лавыс, эрың мот-
тыт тал «Сорни сэй» рўпитаңкве
ат паты. Тав лап ул вос пантвес,
мән ты ма сака эруптылўв. Мот-
тыт тал туй порат ос ялуңкве
таңхёгум.



– Ам **Максим Киржаев**, ты тал
хўрумхуйплов талум товлыс. Тыг
китынтыг ёхтысум. Ты талыг
сýс ам сав тэлан ханищтавёс-
сум. Хаснэйивыл савсыр хурит
послысўв. Мотыт хосыт пўмаш,
ощхулиң тўлыглапыт варыг-
ласўв. Сасныл савсыр хусапыт
юнтсўв ос мот савсыр порма-
сыт мащтырласўв. Воспитатель
хотпат мән магсылув пўмаш
ёнгытщёпиталёгыт. Тот рўпитан
хотпат пуссын эруптыяnum.
Тан касың хотал манав матыр
варуңкве ханищтасаныл.



– Ам **Настя Кустышева**,
китхуйплов талум. «Сорни сэйт»
атыт тал ўщлахтёгум. Ты ма
анумн сака мўсты. Ворт олуңкве
сака ёмас. Ты нётнэ ма-вит урыл
номтум тал палыт олы. Сымум
акваг тув вовхаты. Тыт сав юрт
хонтсум. Агит-пыгыт пуссын
ваганум. Ань мәнки халуvt щёпт
ощнэ телефон хосыт ватихал
потыртёв. Мотыт тал ос тах
ёхтёгум.

– Ам **Юлия Матей**, анумн
нилахуйплов тал. Ты тал
онтоловит классын ханищ-
тахтўкве миначум. Мён ап-
щимёнтыл китынтыг тыт
ўщлахтымён. Сав юрт тыт хонт-
сумён. Ам таңхёгум, «Сорни
сэй» элалё вос рўпитас. Мән ты
ўщлахтын ма сака эруптаңкве
патыслўв. Пўмаш олум накыт
акваг номылматыг лалыяnum.
Сым киврум татем ёмасыг ёмты.
Ам номсёгум, мотыт тал пуссын
юртанум ос касалыяnum тах.

– Ам **Вероника Броваренко**,
китхуйплов талум, «Сорни сэй»
эруптылум. Мотынтыг ос тув
ялуңкве таңхёгум».

– Ам **Ксюша Курганова**,
китхуйплов талум, китыт тув тыт
ўщлахтасум. Тыг ёхталан агит-
пыгыт ёт ёмщакв юрщхатасум,
пуссын эруптыяnum. Лагерь лап
ул вос пантвес. Ос тув ялуңкве
номсёгум».

– Ам **Дима Тихонов**, нила-
хуйплов талум, хўрмит тал тыт
ўщлахтёгум. Юртанумн пуссын
паща лаатың кётёгум. Пустагыл
олэн, ёмщакв ханищтахтён!

Ты ўщлахтын мат касың няв-
рам акв урыл вовыс, «Сорни сэй»
лап ул вос пантвес. Тананылн тот
ўщлахтўкве сака мўсты. Тамле ты
ёмас макве ўс ляпат олы. Тот сав
няврам ўщлахтўкве касачи. Ань
кўщай нэ Ольга Константиновна
Филиппова «Сорни сэйт» рўпи-
тан магыс мот кўщай кинсы.
Мотыт туй мус хотты мәнлат,
каркам хотпа хонтхаты ке, ты ма
элалё рўпитаңкве паты.

Няврамыт потраныл
Николай МЕРОВ
нэпаkn хассанэ

ПÁВЛЫҢ МИР ӨЛУПСА

Нёр мāt олнэ мāньщи нэ

Тэлы-тўяг Свердловский область Ивдельский район Кёрасколыңъя пāвилн ялмум порат мāньщи нэ Лиза Бахтиярова ёт хонтхатыгласум. Тав ань мот мāt олы. Такви пāвлэн мўйлуңкве мāнь āгитэ ёт ёхталас. Тав сāv няврам оньщи. Яныг āгитэ Света, тувыл пыге Сергей, Татьяна Ханты-Мансийск ўст рўпиты, пыге Тима школат ханищтахты, мāнь āгитэ Настя тав ётэ юн олы. Нэ олупсатэ урыл китыгласлум. Нāн тав потре элаль ловиньтэлың:

– Ам самың патум мāкем – Кёрасколыңъя пāвил, мāнь тāгыл акваг тыт олсум. Сār хумиментыл Ханты-Мансийский округ Советский район Тимкапāвилт олсумен. Тот ам тārвитыңыг ёмтсум. Тувыл мощ олсумен, ойкам атимыг ёмтыс. Ань Настя мāнь āгимен ат талэ тōвлыс. Мотынтыг школан миннэ щирыл олы.

Ань ам мот хум вāрсум. Ойкам Пермский крайныл олы. Нёрт



мā-вит ос вōруй ўргалым рўпиты. Тав ос мāньщи хум. Мён «Бураныл» вāтихал Кёрасколыңъян ёхталымён. Сохтыл миннэ лёңхе онтырсātкем вёрыста.

Ань пāвлувт мāнь няврам āтим. Настя таккёт ёнгасым хайтыгты. Этипāлаг стихыт ханищтымён, ловиньтан стиханмён пуссын ёмщакв вāганэ. Тавён тыт олункве сака мўсты. Хунь школаныл няврамыт ўщлахтуңкве ёхталэгыт, пāвил нōх-āлмияныл. Хотал палыт кон яласэгыт. Вөр пāвлытныл пуссын аквьёт хўрумхуйплов няврам элн ханищтахты.

Тан Серов ўст олнэ школа-интернатыт китыт тāl ханищтахтэгыт. Ивдель ўст олум интернат лап-пантвес. Агянув-пыганув та палыт мāн та тотыглавет. Ам Тима пыгум ос тот ты ханищтахты. Ты порат тав нилахуйплов талэ тōвлыс. Пыгтем хōгыт классыт ханищтахты. Омам яныгпāлаг ёмтыс, ань пāвил колэт таккёт хультыс. Таимāгыс пыгум тав палтэ олы. Вит тоты, нāйив аты, анёкватэн нёты.

Тэн аквьёт вōраим ёмыгтэг, нёхыс кёрнялит, сōвыр лэсыт ўнттэг. Молты йильпитāl кастыл мён палтмён Пермский крайн мўйлуңкве ёхталасыг. Тот нёр мāt кёрнялит ўнтталасыг. Ыщлахтын хоталыт олнэтэн сыс кит нёхыс пувсыг. Мāн мāvт акв нёхыс сов нила сōтыра солкōви сāvит тынэ олы. Тима та соваге Ивдель ўсн тотсаге. Тот тыналасаге ос сāt сōтыра солкōви сэлыс. Та

олнанэтыл щёпт ошнэ телефон ёвтыс, сака кārкам пыг.

Ань вōруй совыт нэмхот ат пирмайтает. Алыщлан хотпат тāнки ёранылт ёвтхатнэ элумхōлас хонтэгыт. Ыст олнэ мāхум тōват тāнки нёхыс сов вōвёгыт. Тувыл тэлы лёңх ёмты, ўсың мāхум яласаңкве та овылтахтэгыт. Тāн мāн палтув элыл ёхталэгыт. Хотьют маныр вōви, таи тавён та тыналэв.

Тōват мāшинал яласэгыт, тōват ос та палыт мā хўнт хўргың тāгыл лāглыл ёмёгыт. Этимаңкв паты, пāвилт хўлэгыт ос элаль нёрн та минэгыт. Туристыт ань рущ щирыл лāvнэ «Перевал Дятлова» нампa нёрн ялантэгыт. Хоса порат тот сāv хотпа матыр щирыл порсысыт. Та мā урыл сāv потыр олы. Ос маныр мāгыс мāхум атимыг ёмтсыт, ань тыг мус торың нэматыр ат вāве.

Тōва хотпат ос «Бураныл» Лэпла, Тўрват пāвил мус вōраим ялантэгыт. Туи порат ос яныг колёсаң утыл (квaдрoциклыл) ёхталэгыт. Ты кос лёңхыт люлит, аман хумус вёрмёгыт, тох та минэгыт.

Вөр мāt олнэ соссаң мāхманув пенсия олнаныл āти сака яныгты. Тāнки ёранылт тох та олэгыт. Вōруй совыт эл тыналэгыт. Таквсы порат пил вātэгыт, лāхыс атэгыт, пāкв паттэгыт, нёвыль тōслэгыт. Нёрт олнэ мāньщиянув тыил ты олэгыт. Тāнки тәнут сōпаслэгыт.

**Николай
МЕРОВ**



Л. Бахтиярова мāнь āгитэ ёт

Рүпата эруптан кәркам щәмья

Мань павлың мат касың алпыл хотты колныл хум щицкүрек рөхнэ суй суйты, ос мис посна ветрат саңылтэгыт. Тонт номсэгын, та колт рүпата эруптан кәркам колтагыл олы. Тан үйхул оныщегыт ос тананыл янмалтым сав рүпата вәрэгыт.

Октябрьский район Луи Нярихумит павылт тамле щәмья олы. Ты Сергей Владимирович ос Любовь Александровна Кривых оцент щицкүрекыт, мисыт, пүршит рөхсуяныл суйтэгыт. Тэн этэн вайхатнэв магыс аквэет рүпитан нэмэнтыл тув шалтсасмэн. Нэг-хумыг, соль, тасавит савсыр үйхул оныщег. Щицкүрекыт эт акв оц кивырт сэмьхарпа пүршит хайтыгтасыт. Колың кўшаиг лавег, хәрмис ос мисанэн пум таим иң кон ёмыгтэгыт. Ойка ушнүв пум сагрин маныл юв ёхтыс, нэтэ ос мисанэ посуңкве үриянэ.

Ты халт тэн мэн этумэн потыртаңкве касащасыг. Овлэт нэг-хумыг тэнки оланэнтыл щицкүрекыт, мис ёвтыгласыг ос танки колтагланыл магысыл янмалтасыт. Ань нила мис ос маньмисыт оныщегыт. Тувыл пыганэн эт крестьянско-фермерское хозяйство вәруңкве номылматсыт. Тан эрнэ нэпакыт акванатсаныл ос ты тал рётың юсвой этпост «Кривых П.С.» нампa КФХ вәрсыт. Хозяйстваныл Пётр пыгэн нупыл хансыстэн, мот пыгагэн ос нэтавэг. Ань тан сав пүрыщ ёвтсыт, нёвыль магыс янмалтыяныл.

Сергей Владимирович потыртас: «Ты сэмьхарпа пүршит мот щирыл «вьетнамский порода» лавает. Ты

пүршит туп нёвляныл магыс янмалтавет. Тан ман пүршанув холыт сав вөй ат оныщегыт, элумхоласныл хультум савсыр тэнут ат тэгыт. Овас ос мисыт холыт пум тэгыт. Туи сыс колув мувлахи яныгман савсыр пум пуссын юв товтащласаныл. Щицкүрекыт эт акв ляпат хайтыгтэгыт, тананыл ат новияныл. Тувыл сака рёгың кол тананылн ос ат эри. Ты тэлы 37 градус ащирмат тан поликарбонатыл пантым колт олсыт. Та кивырт тан ёмас вёритасыт, ман яңкхарпа пүршанув холыт тыгле-тувле ат нуйгатахтыглэгыт, нэматыр ат сакватэгыт.

Грант-олн ман ат вуйласүв, ты олныт магыс нявлалахтуңкве ат таңхөв. Нэпаканув атнэв сыс ос тувыл Ханты-Мансийск үсн ялнэ магыс тасавит олн холтуңкве ат хөйхаты. Манки оланувтыл мань пүршит ёвтыгласүв. Свердловский область



Павыл үсхулы

Нижний Тагил үсн ёвтуңкве ялсүв. Комбикорм Приобье үсныл манки тотэв, акв хұрыг тынэ атсат солкөви. Акв хұргыл туп акв хоталн товлавет. Үйхуланув прививкал ос манки вәриянүв, тэрпил ёвтыанүв. Ты тув нёвыль магыс налыман пүрыщ алсүв. Нёвыль мот үсн тыналыанүв.

Ты тув сака ат раквыс, ань пумканыт тосамыт, пум сав тах вәрөв. Мөлтүтәл мот маньлөвтуңкве ос тотуңкве эрыс.

Сартын тыт үйхул янмалтан яныг перма олыс. Махум тот рүпитасыт, юн ос үйхуланыл эт капыртасыт. Ань павлың махманув сака савыңыг ёмтсыт, танки магысыланыл рүпитаңкве ос ат таңхөгыт. Сыресыр ищхипың утыт квалтапавёсыт, тувле сунсым

та үнлантэгыт. Кол пөхт олнэ махманув аёгыт, ман акв яныг колыл олэв. Кит щёс колув алаты найн ёсвес, ман таиммагыс колув сака ёмщакв ат щёпитылүв.

Щаквит, нёвыль, мұңи манки оныщөв, ләпкат туп солвал, сәккар, шалыг вөй ос колас ёвтэв. Ос тованакт хұл алыщлаңкве ялапалэв».

Нэг-хумыг ань сас пенсият олэг. Сергей Владимирович 1990 тәлт Саратовсканыл тыг совхозн рүпитаңкве ёхтыс. Любовь Александровна Ягрим павылт самын патыс. Тэн акван-минамент овлэт Приполярный павылт олсыг, тувыл уц тыг ёхтысыг. Нэ метеостанцият рүпитас. Тэн ат няврам янмалтасыг. Акв агитэн мот хон мат олы, пыганэн тыт олэгыт. Котиль пыгэн ЮГУт ёмщакв ханищтахтас, ань ювле ёхтыс.

Тувыл мэн юв мүйлуңкве вөвиньталвесмэн, пылың нянил ос щаквит тэнутыл тыттувесмэн. Миннэ мэн элы-пәлт танки янмалтан огурцал, помидорыл ос пүрщ вөйл майвесмэн. Тэн тамле ёмас сымың хөтпага та.



Пүршанэн

Ма-вит ўргалан хўтпа ман халувт мощца

2017 тал Россия янытыл ма-вит ўргалан талыг тах лававе. Ань ты ёмас вәрмалъ ма-гыс ман округувт ты олнэ талув сьс сав ёмас рупата вәрвес. Ты урыл нила хум хўтпа потыртасыт. Тан ляххал тотнэ махум ёт хонтхатыгласыт. Касыңе янас потыр оньщис.



Округ кўщай Н. Комарова
наңкйив ўнтты

Овыл хум наме Евгений Калашников, тав «Самаровский чугас» нампа природный парк кўщаиг олы. Ханты-Мансийск ўс мувлахи олнэ ма тох лававе, тан ты ма ўргалыяныл. Ляпат олнэ ворт сака пёс ййвыт люлёгыт, төва ўльпат хотсат талыг ты ёмтёгыт.

Ань ты кўщай лавыс, вөр ўргалан магыс тан сав ўцлахтын ма щёпитасыт, ўст олнэ махум аращ мори ул вос вәрёгыт. Та мат акваг хот-сыстамтавет. Хаништахтын нйврамыт тув тотыглавет, төва уроканыл ворт вәрыглавет. Тан ўйришит, лўпатат ос ййвыт наманыл ёмашакв вос вәганыл. Ёмыгтан махум магыс нас вәрим лехьясыт ворт олэгыт,

тан пәхвыңыт, састу-мыт. Яныгхўтпан тот ёмыгтаңкв сака ёмас.

Ос ты ма ёмашакв кос ўргалаве, туи мус тасавит порс тот та атхаты. Ма-хум матыр ат эрнэ ут ёт-оньщёгыт те, вит ошнэ сулясовришит пуссын ворт тот та пәхвтыяныл. Мәлтыпыг ёмтнэ порат, тўйт хунь толы, акв хотты ўцлахтын хўталт ўст олнэ махум пуссын вөр сыстамтаңкв вөвыглавет. Касың организация такви махманэ тув тетыглы. Хўтал сьс матах яныг машина порс та атаве.

СОССАҢ ХУМ ПОТРЕ

Александр Новыхов тув ос вөвыглавес. Тав «Югра лылыеп» организацият сав тал кўщаиг олы. Тав ань ты урыл потыртас, ман округувт акв яныг ялпың ма олы. Тот ёрн ос ханты махум пўрлахтёгыт. Та мат олнэ Нумто нампа тўр ос сака ялпыңыг лававе. Сав тал ты ма ўргалаве. Ос та ляпат матах тал минам юипәлт ма-вөй нөх-винэ махум рўпитаңкв патсыт. Тан акваг та тўрн воратёгыт.

Тўяг сав кўщаиң мир акван-атхатыгласыт, потыртасыт – матыр вәруңкв эри, ты тўр

ос ляпат олнэ матэ ущпылнэг такыщ вос ўргалавег. Ань тан тамле хўлтнэ латың хассыт, ты ма ул вос новаве, руц ләтңыл тох ләвуңкв патаве – достопримечательное место. Эрың, сөль, пөх махум ты ман новхатуңкв ат патёгыт.

Хум мот потыртама тарвитың вәрмале тамле олыс. Советский район нупыл ань Свердловский областиныл сав мир йиймыгтас. Ань тот ләңхыт пуссын ёмашакв вәрвёсыт, сав йильпи ләңхпинвес. Талэ-тувет тув та ювыт. Акв хўтал сьс сөтыратем машина ман округувн ёхты.

Та ёрт сав сыстам тўр олы, сыстам яквет овтёгыт. Ты машинаң утыт матах хўталн ёхталэгыт, сав хўл пувёгыт, юв та тахёгыт. Ос тўрыт, ят ляпат матэ щар витыг тотыяныл, тасавит порс тот та хультуптёгыт. Такос тан ётаныл ма-вит ўргалан хўтпат потыртёгыт, танти юв миннэныл элы-пәлт ма сыстамыг вос хультуптыяныл. Таит латың щар ат хўнтлэгыт, ювле лавёгыт – хот таңхёв, тот та яласёв, манав тыг ат тартнэ тамле сәккон атим. Ты кулит яныг люльвәруңквтыпатсыт. Юи-о-выл талыт тан акв мат ат алыщлэгыт. Тан пуссын яныг ёр ма-шина оньщёгыт, хоталь таңхёгыт, тув та талматёгыт. Ань тан Сургутский ос Нижневартовский район нупыл яласаңкв патсыт. Матыр ты вәрмалъ ёт вәруңкв эри, тананыл

ёл-пөйлттаңкв эри. Нәматыр рупата ат те вәраве, тан ты ма-витув щар пулиг та пәңктыяныл.

НЙВРАМЫТ ХАНИШТАҢКВ ЭРЁГЫТ



В. Булатов

Мот хум наме Валерий Булатов олыс, тав эколог хўтпа. Сав тал ты рупата вәри. Ма-витув ёмашакв вос ўргалаве, тыи магыс сьме сака щәрги. Тав тох лавыс, округ мирколт йильпи кўщайт рўпитаңкв патсыт, люль-капай тара та вәрсыт – ма-вит ўргалан департамент хот-вуйвес, мот савсыр мат рўпитан хўтпат ма-витув ань та ўргалыяныл.

Округувт олнэ ма-хум аты вәганыл, матыр люль вәрмалъ те ёмты, хоталь латың тетуңкве. Төва ляххал хаснэ нёпакыт, руц газетат, яныг кўщайт урыл мак эрнэ латың аты хансёгыт. Таит акваг ёмасыт, ёмашакв рўпитёгыт, мирув ос аквтуп ёмашакв олы.

Ты хум хўтпа ань та титыглахты, манрыг тох ёмтыс, махманув танти тарвитың вәрмалыяныл урыл потыртаңкв пи-

лэгыт. Ос газетатт ты урыл шар нэмхуньт ат хансыглаве.

Школат хаништахтын нйврамыт ань ма-вит ўргалаңкв ат хасэгыт, торың нэматыр аты вагыт. Ёмас олнув, ань тән халанылт хотьютаныл вөр ўргалаңкв вос хаништахты, мотанэ йаңкылматвос ханищты, мот нйврам ос ят урыл сав вос ваг. Ты рупата школат овылтаңкв эри, нйврамыт халт «юный эколог», «юный лесничий», «юный географ» вос олэгыт.

Нйврамыт ханищтан «География» нэпакыт ань пуссын пёсыт, атхуйплов талтем минам юи-палт тән хасвёсыт. Йильпи нэпакыт хансуңкв эрэгыт. Ань олупсавт акваг матыр йильпи вәрмалы та нэгли. Ворт йильпи лүптат хонтает, янанувт хащтал хулыт пувавет. Округувт образование институт ты кос рупиты, тот ос тамле нэпак хаснэ хотпа атим.

ЛАХСЫТ, ПИЛЫТ ОС ЙИВЫТ МАНТИ ВОС УНТТЭВ



М. Хасанов

Ты ёхталам кўщаит халт сака пўмщиц акв хум потыртас, тав башкир ойка. Наме Мидхат Равилович Хасанов. Башкирия мат самын патыс ос яныгмас. Хаништахтаме юи-палт

ман округувн рупитаңкв ёхтыс, та пасыл тыт та олы. Тав сака потрың ос ошхулиң хум. Татем пўмыщ та потыртас.

Тав ань савсыр рупата вәри, общественный организацият кўщаит олы, хонтлын ман ялум махумн нёты. Округув янытыл рупитан Общественный палата нампа колт ос рупиты. Олныл тән тот шар ат ойтает. Ма-витув ўргалан магыс сыме ос сака шарги.

Олнэ ўсэ Радужный нам оныщи. Ты ўс сака яныг ати. Ўсанылт «Совет ветеранов» организация рупиты. Тув хансым махум Мидхат акваг атыглыянэ. Акван нётхатым тән савсыр рупата вәрэгыт. Ойка ты урыл тох потыртас:

– Ман ўсув ляпат посаловты. Савталўсың мир маныр порс ошсыт ос пәңкың вит пуссын тув та сасантасаныл. Сыстам посал пәңкың вит-воңхаг вәрсаныл. Ам пенсият олнэ махманум атсанум, лавсанум – ты посал сыстамтаңкв эри. Аномн нётуңкв пуссын кәсашасыт. Ёмашакв сыстамтаслўв. Тувыл мот номтыл ёхтувёсум – мань хўлришит тув тартуңкв эри, тот вос яныгмегыт, ётыл махум няслуңкв тув ялантаңкв патэгыт.

Соль, матах тал минас. Ань ўщлахтын хоталыт порат мир тув та мины, хотють хўл пуви, хотють нас ёмыгты. Та ляпат вөр атим олыс, йивыт ат яныгмасыт. Оста махманум атсанум, лавиянум – эрың йивыт тот унттэв. Мань ўльпат тув тотсанўв, та унттысанўв. Элалы та олэв. Номсахтэгум, вөр олы, тот лахыс ос пил атим.

Ты тэла ёмашакв ханищтаслум, лахсыт ос пилыт эрнэ щирыл те унттуңкв, яныгмаңкв тах патэгыт. Та унттэв,

«Спасти и сохранить!»

Подарки и поздравления от эко-сети России и планеты чистые водоемы, кедровые рощи, грибы, ягодные плантации, животный и растительный мир. Это здоровье, долголетие, будущее России.

С уважением,
М.Р. Хасанов
Вице-президент Тихвинского областного фонда им. В. И. Мухоморова
Член общественной палаты ЭМАО-Югры, г. Радужный
e-mail: er_rad@mail.ru, тел.: 8 (34658) 7-16-05, 3-37-26

тувыл тәра нйврамыт ёмегыт. Ляпан вовсанўв, титыглахтэгум: «Маныр ман унттэв, вагылына?» Тән та сунсэгыт, ювле лавёгыт: «Ати». Лавиянум: «Ман лахыс унттэв». «Лажсыт аман унттуңкв рөви?» – та пўмщалахтэгыт.

«Хумус ат рөви, эрнэ щирыл те унттуңкв, сав яныгми».

Ань тәра та патыс, хаништахтын нйврамыт аты ваганыл, йивыт, лахсыт ос пилыт хумус унттуңкв эри. Та юи-палт образование комитет колт рупитан махумн свонитасум, лавсум, школа кўщаит акваг хунь атавет, аном тув ос вөвелын. Та вөвёсум, хаништахтын кол кўщаит магыс нэпакыт щёпитасум. Кәсың нэпакт янас потыр хансым олыс:

– вөр хумус ўргалаңкв эри;
– лахсыт хумус ман унттавет;
– пилыт хумус янмалтаңкв рөви;
– порс манах тал хотсаи.

Лавсанум, ты нэпакыт савыг вос вәравет, ос кәсың нйврам тамле нэпакыт вос миве. Нйврам юв ёхты, омактән аятятән мыгтэ, тән вос ловиньтэг. Эрың, соль, ўст олнэ махманув порс хот-ати пәхвтуңкв ат патэгыт.

Төва порат хўл алыщлаңкв минэгум, ляпат хум хотпат хохса

хартым ўнлантэгыт, тувыл хартум хохсаныл, ян та вуцкасыяныл. Тәнанылн лавёгум, ань ты хартум хохсан хўрум тал сыс хот-сайнэтэ мус я витэ люлиг вәруңкв патытэ, хулыт тамле витыт яныгмаңкв ат патэгыт. Хумыт та хўнтлэгыт, элалы воссыг тох ат вәрэгыт. Лавёгыт, ты урыл тән овыл щёс потыртавет.

Ань ты потыр олме порат ты ёмас сымың башкир-хум ляххал хаснэ кәсың хотпа тамле нэпакыт мистэ. Тот хансым олы, манах тал сыс порсанув хотсаегыт:

– алюминий пәнкат – 500 тәл;
– тёр пәнкат – 10 тәл;
– эльм хўргыт – 100-200 тәл;
– кумыска – 1000 тәл;
– хартым хохса – 3 тәл;
– төвтащлым руц оңх – 30 тәл;
– мань нйврамыт кишум нэпак ёлы сованыл – 300-500 тәл;
– аны ловтнэ гупкат – 200 тәл.

Тамле ты пилыщма олы. Манти ма-витув тох люлиг та вәрилўв. Пёс порат мань павлың мат нас хот-вуцкасым порс нэмхот ат кәсалэгын, ман ятил пёс махманув тув мус ма-витув ургалым та ошсаныл.

Валентина
ХОЗУМОВА

КАСНЭ ВАРМАЛЬ

АГИТ-ПЫГЫТ КАСУҢКВЕ АКВАН-АТХАТЫГЛАСЫТ

Сургутский район Солнечный павылт ныврамыт магсыл касыл вӑрыглавес, руц лӑтҥыл «северное многоборье» намаим ӧлыс. Мӑнь таквс ӗтпос 24-28 хӧталыт сьс тӑн хайтыгтасыт, поргысыт, тыньщаҥ рӑпыгтасыт, сӑграп пӑхвтысыт ос сӑлыҥ сун ӱлтта поргысыт. Ныврамыт тӑл сьс туй ос таквсы порат тох акван-атыглавет.

Ты касыл спорт ширыл рӱпитан департамент, «ЮграМегаСпорт» ос округувт северный многоборье ширыл рӱпитан федерация пуссын аквӑӗт щӑпитасыт. Ты федерацият Олег Андреевич Хатанев кӱщаиг ӧлы. Мӑньщи хум ты касыл ширыл 26 тӑл рупиты. Касыл ӧлме порат тав лӑвыс: «Ты тӑл округ янытыл 10 команда тыг ӗхтыс. Акв командат 12-13 ныврам ӧлы. Хурум группа ширыл 12-13 тӑл, 14-15 тӑл ос 16-17 тӑлыт яныт ныврамыт тӑнки халанылт касӑгыт. Пуссын аквӑӗт тыг яныгсӑт арыгкем агирищ-пыгрищ ӗхты-

сыт. Ты тӑл китхуйплов район ос ӱс тӑнки спортсменаныл тыг кӑтсаныл. Ань сӑлыҥ сун ӱлтта поргуҥкве, тыньщаҥ пӑхвтуҥкве ос мӧт ширыл халанылт касуҥкве мӑнь пӑвлытт ӧлнӑ ныврамыт ӑмашакв хӑсӑгыт. Сургут, Нижневартовск ос мӧт яныг ӱсыт ӧлнӑ аҗит-пыгыт соссаҥ мӑхум хольт ат касӑгыт. Октябрьский ос Советский районыгт ныврамыт тамле секциян ӧс ат ялантӑгыт. Ань Сургутский, Нефтеюганский, Нижневартовский ос Хӑльӱс районыгт сӑлыҥ сун ӱлтта поргуҥкве, сӑграп пӑхвтуҥкве, тыньщаҥ



Котильт Олег Хатаневӱӧли

рӑпыгтаҥкве аҗит-пыгыт ханищтавет. Ты мӑнувт соссаҥ мӑхум сӑвнув ӧлы, тьи магсыл мӑньщи, ханты ос ӑрн ныврамыт тӑнки пӑс йис вӑрмаляныл нупыл сунсӑгыт ос тыщирыл касуҥкве кӑсӑщӑгыт.

Ань Сургутский районт Русскинские, Нижний Сортым, Солнечный пӑвлытт ос Лянтор ӱст ныврамыт соссаҥ мӑхум хольт касуҥкве ӧс ӑмашакв ханищтавет. Тув акваг

сӑв ныврам ӗхталы. Ты ӑлы-пӑлт кӑсыҥ районт ныврамыт халанылт кассыт ос тот нӧхпатум аҗит-пыгыт тыг кӑтвӑсыт. Сургутский ос Нижневартовский районыгт тамле касыл щӑпитӑлаве. Хӑльӱс районт туп Саранпӑвылт ныврамыт касӑгыт. Акв порат Ягрим пӑвылт тамле секция вӑрыглавес, тувыл ныврамыт тув ат ялантасыт, лап-пантвес. Тьи магсыл кӑсыҥ тӑл туп Саранпӑвылныл ныврамыт касылн то-тыглавет.

Ты ӑлы-пӑлт сӑв тӑл Белоярский районт ӧлнӑ аҗит-пыгыт акваг ӧвил мӑста висыт. Ань тай Сургутский ос Нефтеюганский районыгт ныврамыт ӑрнугеґмтсыт. Аньщар ат вӑглӱв, хоты районныл ӗхтум ныврамыт ӧвил мӑста выгыт. Тыщирыл касуҥкве ныврамытын сака пӱмаш, тьи магсыл тыг ӗхтынӧныл ӑлы-пӑлт тӑн пуссын мӱсхалыг щӑпитахтӑгыт».

Ӑвил хӧтал ныврамыт акван-атыглавӑсыт ос



Пыг-тыньщаҥ пӑхвтуҥкве щӑпитахты



Шыгрищ-хайты



А.Д. Филиппов ос Таня Хозяинова



Лена Тихонова



Саранпáвылныл ёхталам пыгыт

касыл о́вылтым порат янытлавёсыт. Олег Хатанев тананын сáв ёмас сымын латын лáвыс. Мánь таквс этпос 20 хóталэ́т мánьщи хум самын патум хóталэ́ о́лыс, тав 50 тálэ́ тóвлыс, ты кастыл о́с тот янытлавес.

Ты юи-пáлт áгит-пыгыт касу́кве о́вылтахтасыт. Овлéт тán акв мánьыл э́лаль поргысыт. Э́лнув порыгмам нýврам тав нóх та паты. Китыт хóтал тán йивóвыл кáтыт пувим хáйтсыт. Мánь нýврамыт акв вёрыста, яныгнув áгит-пыгыт кит вёрыста хáйтсыт. Яныг пыгытын хýрум вёрыста хáйтункве э́рыс. Кáтыт пувнэ ошца йивóвыл 130 сантиметра палытэ́ о́лы, тыйл хосанув ви́кве ат рóви. Кáсың нýврам такви ййве тув ёт-тотыстэ́. Овлéт áгит хáйтсыт. Ты нýврамыт халт Лена Тихонова касыс. Тав Хáльýс район Саранпáвылныл ёхталас. Мánьщи áги кит тál Андрей Дорóфеевич Филиппов палт сáлың сун ұлтта поргункве, сáграп пáхвту́кве ос мót щирыл касу́кве ханищтахту́кве яланты. Ты э́лы-пáлт тав мót áгит-пыгыт ёт касу́кве Нижневартóвск үсн ялыс. Та хóтал Лена молях хáйтункве ат вёрмыс, лёңх лёль о́лыс.

Мóтыт хóтал нýв-рамыт сáграп пáхвтысыт. Алпыл пыгрищит тánки халанылт кассыт, ос тán юи-пáланылт áгит каснэ́ мán вóввёсыт. Олег Хатанев лáвыс, áгит сáт манос нё́лолов тál тув касу́кве вóвиньтáлавет. Áгит поргёгыт, хáйтыгтэ́гыт ос сáлың сун ұлтта поргёгыт. Ань китыт тál сáграп нас пáхвтэ́гыт, тувыл зачётыл ты ка-сылт ат хансавет. Мóтыт тál тán сáграп пáхвтым зачётыл хансу́кве патавет ос тán халанылт нóх-патум áгит тах пё́риявет. Кáсың нýврамтоткаснэ́ мáгсыл о́с такви сáграпе выг.

Áгит хунь кассыт, түйис ос сака вóтыс, тьи мáгсыл тán э́лнув ву́щкаса́кве сака ат вёрмысыт. Хáльýс район Саранпáвылныл Татьяна Хозяинова ёхталас. Áги лáвыс: «Ам сáв тál Андрей Дорóфеевич Филипповн ханищтавем. Тыг амки сáграпум ёт-тотыслум. Тамле сáграп 350 грамм тáрвитэ́ о́лы, тыгыл кúпнитнув манос тáрвиты́ннув ул вóс о́лы. Ты хóтал түйи ос вóты, тьи мáгсыл сáграп пáхвту́кве сака тáрвитың. Ам такос суссум, хотыл вót вóты, тувыл сáграп такос э́рнэ́ щирыл ву́щкасáлыслум, вóтын мót мán

нуяве. Турап хóтал, тьи мáгсыл мýсхалыг пáхвту́кве ат áртмыс».

Мóтыт хóтал пыгрищит тыньшаң рё́пыгтасыт. Тán пуссын áлпыл акван-атвёсыт. Аквторыг 12-13 тál, 14-15 тál ос 16-17 тál яныт пыгыт кассыт. Кáсың пыг такви тыньшаңе ёт-тотыглас. Тыньшаң сáлы совныл 30 метра палытыг са́гаве. Максим Бырка Солнечный пáвылт нýврамыт касу́кве ханищтыянэ́. Мánь нýвраманэ́ ёт тув о́с ёхталас. Тав лáвыс, тán пáвланылт соссаң мáхум хольт касу́кве яныгсáт арыгкем нýврам ёхталы. Тóват ань ушты ханищтахту́кве о́вылтахтасыт. Ос нýвраманэ́ тав нас пýмаш мáгсыл ты касылн тотыгласанэ́. Пыгрищит суссыт, хумус мót яныг нýврамыт касэ́гыт, тán ну́пыланыл сунсым э́лаль ханищтахту́кве тах кáсащэ́гыт.

Пыгыт халт шар мánиг Атэй Ля́лкин о́лыс. Ханты пыгрищ Нижневартóвский район Варьёган пáвылныл тув ёхталас. Тав нилыт классит ханищтахты. Тыньшаң пáхвту́кве, сáлың сун ұлтта поргункве сака хáсы. Тав хýрум тál Александр Юрьевич Фальченко тренер палт яланты.

Александр Юрьевич лáвыс, пыгрищ сáлың сун ұлтта сака ёмашак-ве порги, тьи мáгсыл яныгнув нýврамыт ёт касу́кве вуйвес. Атэй рўтанэ́ пуссын вóрт сáлы ўрим о́лэ́гыт. Тав шáняге-áша́ге ань Варьёган пáвылн о́лу́кве вантласыг. Тán сáлыяныл рўтаньлн о́ньшавет. Пыгрищ ўшлахтын порат вóрн рўтанэ́ пáлт яланты. Атэй лáвыс, ань тав сáлың сун ұлтта 210 щёс порыгма́кве вёрми.

Нилыт хóтал нýв-рамыт сáлың сун ұлтта поргысыт. Аквта хóтал тán халанылт нóх-патум команда пё́риявес. Ты касылт команда мо́щанув очки ке выг, тав нóх та паты. Командат халт Хáльýс район Саранпáвылныл ёхталам нýврамыт нóх-патсыт. Нижневартóвский район китыт местал майвес. Хýрмит места Нефтеюганский район вис.

Солнечный пáвылт нóх-патум нýврамыт Ямал мán Новый Уренгой үсн э́лаль касу́кве минэ́гыт. Та ўст Россия янытыл ёхтын спортсменыт яныг таквс этпос 20-26 хóталытт касу́кве патэ́гыт.

**Людмила
ТЕТКИНА**

ЛҮСУМ МАНЬШИТ ЛАТҢЫЛ


Хотьют рүпитаңкве элалъ пёрияве

Ойттур этпост ам рүтанум палт Свердловский область Ивдельский район Ушма павылн, тувыл Керасколыңъя павылн ялсум. Тот ам махум эт потыртасум. Анузн хосат тагыл пумащ, хомус соссаң махмытын госудаствав нёты, тувыл ўргалыанэ тыт олнэ, хоты арыгтас туп сётыркем элмхблас. Акв вәрмалъ анумн тақыщ пумащиг олгыс.

Мошёртын маныщи кўшаюв пентаве. Е.М. Алексеев мән мавт Ивдельский районт «По выживанию и социально-экономическому развитию народа манси» обществат кўшаиг олгыс. Тав ос руководителиг «Фактория» национальный компаният, тувыл автономный некоммерческий организация родовая община коренного малочисленного народа манси «Нёмстур» кўшаиг рүпиты. Евгений Михайлович Ивдельский районт лүсум маныщит представителиг олгыс. Пуссын вәрмалит тыт олнэ соссаң махумыт 2016 тал лүпта этпос мус тав

састласанэ. Евгений Алексеев агмыл ёмтыс, пуңквалм келуптарсанэ хотум ёмтсыт, тав ань польнищат лёккарытн пуссумлаве, таймагыс ань пуссын касащан махум тав пентсылэ маныщи кўшаиг таңхёгыт патуңкве. Щар овыл хөтпа Сергей Александрович Зайцев, тав савсыр компаният кўшаиг олгыс, аква Ивдель ўст олнэ ООО «Чистоп». Ос мот махум олэгыт, тән ос сака мат тақыщ ат касащёгыт.

Пуссын номсахтёгыт: «Маныр ёмас вәри липи кўщай? Тувыл хомус ёмас кўщай пёрияңкв, тав вос вёрмыс Ивдельский соссаң махум олнэ йисэ ёмасыг,



Таня, Тима Бахтияровыг ос Евгений Анямов

кўстырыг вәруңкв». Ты вәрмалъ тәрвитаң, тыгыл элалъ маныщит олупсаныл хумлег тах паты, нэмхотьют ат ваг. Ты махум ваганыл, госудаства палыл маныщит сака мат ат нётавет. Ивдельский районт соссаң махум нётнэ программа ёмщакв ос ат рүпиты. Махум потыртёгыт, хомус тэлы тананыл тәрвитаң олгылалы: лёңхыт лап-вөтаставет, хотьют матыр масынарищ оныщи, туп танки хотмус вөрмёгыт,

Ивдель-Ушман-Керасколыңъя павылн лёңх вәрыглёгыт. Тыгыл аквты вәрмалъ ос ты нөхквалтапаве. Вәти хөтал этпост каникулыт патёгыт, няврамыт ос та шарим Вижай павыл мос госудаства масынал тотавет, элалъ ос танки щаняныл-ащанылн вөтым лёх хосыт 60 вёрыста хотум та тотавет. Няврамыт липи тал юн рүтаныл, махманыл эт ялпың хөтал вәрыглаңкв вос вөрмысыт. Ты вәрмалъ урыл хунь лававе, номсахтуңкве та овылтахтёгын, хотьют кўшаиг пёрияңкве? Хунь пёриян вәрмалъ юипалт ёмасыг паты?

Ты хөтал мус иң та пёриян урыл потрамаве. Сав махум лавёгыт, Е.М. Алексеев такви пусми, элалъ рүпитаңкве паты. Тав ос матыр агме хўрум этпосыг ёмтыс, рүпитаңкв иң ат вөрми. Пёриян вәрмалъ улпыл тах хотум та мины.

Татьяна БАХТИЯРОВА



М.В. Тасманова ос Е.П. Бахтиярова



2014-тал

Лүимә сәрипос
(Северная заря)
№21 (1135), 10.11.2016
Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция
Главный редактор –
Решетникова Р.Г.
Телефон (3467)33-36-82
Заместитель гл.редактора –
Кондина Г.Р.
Телефон (3467)33-22-72
Ответственный секретарь –
Узель В.В.
Телефон (3467)33-23-09

Адрес редакции и издателя:
628011, г.Ханты-Мансийск,
ул.Комсомольская, 31
тел./факс (3467)33-17-52
E-mail: gazeta@khanty-
yasang.ru
Газета размещена на сайте
www.khanty-yasang.ru
Отпечатано:
ООО «Новости Югры-
Производство» г. Сургут,
ул. Маяковского, д. 14.

Подписано в печать:
по графику 10.11.2016 г.
в 9.00.; фактически
10.11.2016 г. в 9.00.
Индексы **04399, 54399**
Тираж **1750 экз.**
Заказ **1956**
Цена свободная
Мнение авторов
публикаций не
обязательно отражает
точку зрения редакции.

Газета зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по Тюменской
области, ХМАО-Югре и
ЯНАО.

Свидетельство о регистрации
ПИ №ТУ
72-00795 от 23 января 2013г.